

Wrake van Ragisel

editie W.P. Gerritsen

bron

Wrake van Ragisel. In: Instituut voor Nederlandse Lexicologie (samenstelling en redactie), *Cd-rom Middelnederlands*. Sdu Uitgevers/Standaard Uitgeverij, Den Haag/Antwerpen 1998.

Zie voor verantwoording: http://www.dbnl.org/tekst/_wra001wger01_01/colofon.php

© 2012 dbnl



[Wrake van Ragisel]

Dar so menich coen degen
So cortelike wart verslegen
Else nu hier dat wetic wale
Her Wallewein was harde fel
5 Hi v[u]lder menegen van den orse
Want hi stont in die meeste porse
Altoes ende deedese vor hem wiken
Datmen te rechte mach geliken
Die lewe die di scape jaget
10 Dar wart menich ridder versaget
Als hi quam in sijn gemoet
Die nochtan stout ende goet
Mijn her Wallewein heeft so gevaren
[..... die] daer waren

- 15 Hine hadde niet van enen cave
Ontfaen te scaden in den stri[de]
Hi was in hoghen ende bli[de]
Ende sat onder sine gesellen
Die al laggende vertellen
- 20 Wien daer gevalle of ongeval
Was gesciet. ende wien men sal
Met rechte loven ende prisen
Dus saten si in deser wisen
Met groter joien in die zale
- 25 Nu willic u van hem die tale
Laten bliven ende seggen vort
Ene aventure die men hort
Gerne lesen in walsche tale
[..... w]ale

- 30 Van den wapenen die hier an droech
Hi dede haer ovels me dan genoegh
Want hi sl[oec]hse met onwerden
Over die [hei]de daer jegen werden
Her Walewein ende sijn broder quamen
- 35 D[oe si] dat sagen ende vernamen
[Docht] hem utermaten naer
Her Walewein sprac "ay riddere waer
Mo[gedij]t vinden in u herte
Dat gi dus ongevoe[ge] smerte
- 40 Der joffrouwen dogen doet
Gi sl[aic]se waer di vroet
Gine onderwondes niet mee"
"[I]nne laets dor u niet een slee
Waer salic [.....]

- 45 "Doe verwarf ic datmen sochte
An desen riddre enen vrede
Te [m]ine behoef hort wat hi dede
Hi gavene gerne ende blidelike
Doe waendic [...] behoudelike
- 50 Varen ende [keren] over al
Nu merct [here] mijn groet ongeval
Hier na up den derden dach
Voer ic mi meyen want ic sach
Dat weder scone ende blide
- 55 Ende dese riddre die van nide
Vol sijn ende van overdade
Quamen hier met valschen rade
Ende slogen [.....]

"Laet hem hebben sine amie
60 Al doet hi haer nu dorpernie
Si heves lich wel verdient
Ende hi sal morgen bat haer vrient
Wesen ende versoent al"
"M[i]n her Walewein" sprac hi "sal
65 De[s]e joffrouwe staen te staden
Want sij[s] nu bide dor genade
Inne quam noit te gere stad
Dat mi joffrouwe genade bat
Dat ic hare minen dienst onseide
70 Broder het waer dorperheide"

Mijn her Walewein sprac "dat [...]
Die twe en consten n[u...]
So den vrede dese ne [...]
Ende verwerden vele mee[...]
75 Met haren talen dander t[...]
Want elc die joffrouwe hebben [...]
Dus sijn si met spere ende [...]
Elc van andren een deel [...]
Doe wast hadde narnst [...]
80 Te justeerne ridderlike [...]
Si hilden wel ende getog[...]
Vor hen die sc[il]de ende dede [...]

[...] groter cracht onthouden
[... d]ie orse keren souden
85 [...]adren metten sweerde
[...e]ren ende na overdade
[...] oetmoedelike genade
[...c] "ay rider edel here
[...c] ben gequetst harde sere
90 [...] mi heden up desen dach
[...t] mi here oft wesen mach
[...]ame in hovescheden
[...t] gijs mi hebt gebeden
[...]lic dat u cont si

- 95 "Of dan neen hoet u van mi"
Die ridder sprac "ic scelse vri
Neemtse ende voertse dart u voget"
Doe sprac her Walewein "mi gevoget
Uwe name te wetene dien segt mi
- 100 Eer wi sceden" "here dat si
Ic hete te berge ende te dale
Licoridoen" met dere tale
Sijn si bede dan gesceden
Ende lieten hebben ende geleden
- 105 Die aer hi wilde die joffrouwe
Die quijt was van groten rouwe
Ende [.....] waren